

犯具情頗重若三犯前罪即係累惡不悛之徒雖照常例發落應合倍查所犯次數奏

請發落其不滿貫犯該徒流以下罪名雖至三犯此與滿貫情罪頗輕若欲一一上

請不惟輕重失論其實煩瀆

聖德合無通行內外問刑衙門今後有犯監守自盜常人盜滿貫斬絞罪至三犯者不分革前革後行查明監候問其所犯奏

請發落其餘犯該不滿貫徒流以下罪名者不拘次數俱照常例連炭納米做工擺站等項徑自發落如此則刑罰適中易於遵守奉

聖旨行成既三次偷盜官糧照竊盜三犯擬罪今後只依此例行欵此

弘治四年十月初十日戶部等衙門尚書等官葉等題為公務事

計開

一遵

定制以全民命據湖廣按察司副使俞根才呈稱見

行事例官攬納戶人等侵盜係官錢糧若正犯
監追身故仍拘親屬監追蓋以

朝廷錢糧為重欲立法不得不嚴但帝舜罰弗及嗣
文王罪人不孥而律內亦開犯人身死勿徵酌
古準今前後一轍今正犯死後往往連累家屬
監追致死恐疾

皇上好生之仁乞為裁處具奏等因臣切惟原犯之家如
果得過豈肯甘於監死不行還官如果無措則
雖舉家監禁追贖年久不得發落犯屬除遵近
奉奏

准事例查審明白另行具奏外如蒙乞

該衙門計議今後遇有前項該追贖物因犯
家屬合無遵依

大明律條犯人身死一槩免徵惟復斟酌時宜分別家道

若有當房果有財產可陪者仍拘親屬

監追若家資蕩盡監追年久無陪者聽
五等取勘明白一體免追庶不失

皇上法古為治之心而民命亦可少全矣

前件刑部查例通行